



साःगु भिंगु मरिचरिया निति लुमका दिसें !

लक्ष्मण जमाल 'विलमि' प्रोप्राइटर

लाखा छेँ
LAKHA CHHEN

सोन्हुडे, वडा नं. १६, येँ, फोन नं.: ४५६०७५८

थुकि दुने



सत्य व असत्य पक्षया दथुया ल्वापु डी.आर. खड्गी - २



भिंघः पूजा निरन्तर न्ह्याकेत अक्षय कोष दयके हे माः सुधिर ख्वि - ३



ख्याखं त्यलीगु खँ पन्ना रत्न महर्जन - ६



थीथी ज्याइवःया लू - ४-५

मेयरया विरुद्ध माइतीघरय प्रदर्शन

“पलाः मभिकूसा संघर्ष तच्चयकेगु”

येँ महानगरपालिकां सडक विस्तार, टुकुचा उत्खननलिसेया थीथी नामय नीजि सम्पत्ति डोजर न्ह्याकाहय्धुंकाः येँय विरोध प्रदर्शन जूगु दु। येँया फिब्व (माइतीघर) य जू विरोध प्रदर्शनय थीथी थासं येँ महानगरया डोजरलिसें थीथी निर्णयं पिडित जूयि मन्त मुंगु खः। विरोध प्रदर्शनय क्हांवःपिन्सं 'काठमाडौं महानगरपालिकाया ज्यादती बन्द या, डोजर आतंक बन्द या, नीजि सम्पत्तिया हक सुनिश्चित या' लिसें च्यातःगु प्लेकार्ड ज्वनाः लैय् दंगु खः।

विरोध सभाय थीथी मन्तयसं न्ववाःगु खः। टुकुचा उत्खननया इवल्य पिडित जुम्ह योगेश मिश्रं थीथी नाम आकाभाकां डोजर हयाः छेँ थुनेगु ज्या बन्द मयाःसा बालेनया मतदाता स्वयां विरोध याइपिनिगु ल्याः अप्पयावनीगु धयादिल। थज्याःगु तानाशाही बन्द मयाःसा मेयर बालेन्द्रया मत स्वयां अप्वः ल्याखय्या काठमाडौंवासी हस्ताक्षर मुकाः अदालत वनेगु धयादिल। विरोध सभाय न्ववासें नागरिक अभियन्ता रवीन्द्र श्रेष्ठं मेयर साह अविवेकी ढंगं न्ह्याःवनाच्वंगु धयादिल।



कम्प्लेक्सनिसें मेयर बालेन डोजर न्ह्याकेगु याःगु खः। वयां लिपा जुजुं थाय्मदुइ अदालतय मुद्दा विचाराधीन दुगु व स्थानीय वासिन्दाया विरोधया हे दथुइ त्वाःछेँय डोजर न्ह्याकल।

सुकुम्वासी समस्याया समाधानय भूमि आयोगलिसे सहकार्य याय्त सम्भौता यानाः सम्भौता कथं छुं नं ज्या मयाःसे थापाथलीइ सुकुम्वासी बस्तीइ डोजर यंकूबलय उकि भयावह स्थिती हे श्रृजना जुल। आः वयाः शंखमूलय सडक विस्तारया नामय थःगु क्षेत्राधिकारं पिहांवनाः नीजि सम्पत्तिइ डोजर न्ह्याकःवन।

थाय्मदु, त्वाःछेँ थुनेगु, टुकुचा, पार्किङ, नक्सा पास थीथी नां बियाः निर्माण सम्पन्न दुगु, लालपूर्जा दुगु छेँ तर्क थुनाच्वंगु दावी यासें श्रेष्ठं थज्याःगु ज्या तत्काल मदिकूसा थज्याःम्ह अविवेकी मेयरयात लिकानाछ्वयगु तर्क धयादिल। आदिवासी जनजाति महासंघया पूर्वसचिव गोविन्द छत्यालं नं न्ववानादीगु खः। छत्यालं येँया नेवाः समुदायप्रति बालेनं ज्यादती यानाच्वंगु धासें इलय हे थःगु पलाः भिकेत इनाप

यानादिल। कुलेश्वरया अटो व्यवसायी शक्ति दुवाडीं महानगरपालिकाया मेयरया हे हुनि येँय आत्महत्या याय्माःगु स्थिति वय्फुगु धयादिल। शंखमूलया डोजरकाण्ड पिडित साहेल सिंहं सरकारी भ्वं दक्वं दुगु जग्गाय येँ महानगरपालिकां विना सूचना आकाभाकां डोजर हयाः पःखाः थुनाब्यूगु धयादिल। मेपिन्सं प्लेटिड यानाः जग्गा म्यूबलय सडक विस्तार

जुइतिनि धकाः मखूगु खँ ल्हाःगु व उकिंया आधारय डोजर न्ह्याके गुलित पाय्छि धकाः साहेलं न्ह्यसः तयादिल। 'डोजर न्ह्याके न्ह्यः छुं अध्ययन याय्माः कि म्वाः, न्ह्येकने याय् माः कि म्वाः ? डोजर हे न्ह्याकेगु खःसां पूर्व सूचना छुं ला दय्माल। बालेनया यत्थे न्ह्याथासं डोजर न्ह्याकाजुइगु ला ?' साहेलं न्ह्यसः थनादिल। बानेश्वरय अल्फाबिटा

लिपांगु इलय स्वयगु खःसा मेयर बालेन येँ महानगरबासी दथुइ अलोकप्रिय हे जुयावंगु खनेदु। मेयर बालेनया ज्या स्वयां प्रचारबाजी अप्वःगु धाइपिनिगु ल्याः अप्पयावःगु दु। बालेनया पासा पुचःपाखें हे वय्कःप्रति असन्तुष्टि प्वंकेगु सुरु जूगु दु। उकिंया लिपांगु उदाहरण कमेडी क्लबया संचालक विशाल भण्डारीया फेसबुक स्टारस नं खःसा सुमन साय्मिया विरोध नं खः। त्यं ७ पेजय

छत्रपाटी चिकित्सालयय बढी मालीया इवाता



• नृपेन्द्रलाल श्रेष्ठ छत्रपाटी निःशुल्क चिकित्सालय थःगु स्थापनाया ६६ क्वःगु बार्षिकोत्सव हंगु दु। वार्षिकोत्सवया लसताय चिकित्सालय प्राङ्गणय छ्णु ज्याइवः याःगु खः। ज्याइवल्य येँ महानगरपालिका १७ वडाया वडाध्यक्षलिसें महानगरया प्रवक्ता नवीन मानन्धरं चिकित्सालयया संस्थापक कम्पाउण्डर बढी मालीया इवाता उलेज्या यानादिल। ज्याइवल्य

अस्पतालय ताः ई न्ह्यःनिसे सेवा यानावयाच्वीपि कर्मचारीतय्त हनापौलिसें सम्मान नं याःगु खः। बार्षिकोत्सव ज्याइवल्य न्ववाय्गु भूवल्य येँ महानगरपालिकाया प्रवक्ता लिसें १७ वडाया अध्यक्ष मानन्धरं शहरी क्षेत्रय जनताया स्वास्थ्य उपचारय छत्रपाटी निःशुल्क चिकित्सालय तःधंगु भूमिका निर्वाह याःगु धयादिल। उगु इलय मानन्धरं

Trendiest Fashion At Price You Love

ufo

राम प्रजापति प्रोप्राइटर

हारती मिठाई भण्डार

(शुद्ध शाकाहारी)

कालिमाटी चोक, टंकेरवर मार्ग, काठमाडौं।
फोन नं. : ०१-५३७२९९९, मो. ९८०३९८०६९९

यहाँ:-विवाह, व्रतबन्ध, पार्टी, पिकनिक, तथा अन्य शुभ कार्यको लागि अर्डर अनुसार मिठाईहरू तयार गरिन्छ।



नेवा: राष्ट्रिय म्ये

चमि : दुर्गालाल श्रेष्ठ लय् चिनामि : तिर्थ माली

धुन दने धुन सँन्त्यलं भी फुक्कं हे छम्ह जुइ धुन भीगु लागाय् भी स्वयं हे जः जुया धुन लुइ धुन ह्यांगु भुमिइ अष्टमण्डल ह्यांगु चाः दुने थी नगु भीगु नेवाः ध्वाँय् थ्व हे खः ज्यान भी सकस्यां छगू जातितय् स्वायत्त राज्यं लुइ कर्पं च्वय् भिर्लिमिलिं राष्ट्र भःभः धाय्क न्त्याके भीगु चःतिं भीगु हिं

सत्य व असत्य पक्षया दथुया ल्वापु



डि.आर. खर्जी

न्त्यागु क्षेत्रय् नं निगू पक्षया दथुइ संघर्ष जुयातुं च्वनी । निगू पक्षया अर्थ खः, सत्य पक्ष व असत्य पक्ष । विशेष यानाः राजनैतिक क्षेत्रय् अफ अफः सत्य व असत्य पक्षया दथुइ भन् अफः संघर्ष जुयाच्वनी । इतिहासं नं क्यनाच्वंगु दु कि असत्य पक्षं यक्व आधिपत्य कायम यानातुं च्वनीगु खँ न्ह्यथनातःगु दु । देशया राजनीति नं अर्थात् सामान्ति वा तानाशाही विरुद्ध सत्य पक्ष क्रान्ति यानाः सत्ताय् वइसा असत्य पक्ष धाःसा क्रान्ति यानाः मखु, षडयन्त्र यानाः सत्ताय् वइ । सत्य पक्षयात असत्य पक्षं षडयन्त्र यानाः क्वत्यला तइ । भीगु देसय् जक थथे जुयाच्वंगु मखु, विश्वया आपालं देसय् असत्य पक्षं षडयन्त्रपाखें सत्ताय् वनाच्वंगु दु ।

असत्य पक्ष धाय्बलय् लुच्चा, फटाहा, बेइमान, भ्रष्टाचारी व अनैतिक ज्या यानाः देसयात बर्बाद यानाच्वनीपिं खः । सत्य पक्षया अर्थ सादा जीवन उच्च विचार ज्वनीपिं खः । सत्य पक्षया महानता धयागु थ्व खः । सत्य अथवा विवेकी सकारात्मक विचाः दुपिं नेतातय्यु ल्हातय् सत्ता लात कि देय् व जनताया प्रगति व उन्नतियात ध्यानय् तयाः ज्या यानाच्वनी । असत्य पक्ष सत्ताय् वन कि हाकुबज्जा, माफिया व विदेशी शक्तिया दलाल जुयाः जनतायात दुःखकष्ट बीगु यानाच्वनीसा मेखे देसयात नं कंगाल यानाच्वनी ।

भीगु देसया राजनीति नं फटाहा, असत्यतय्यु पक्षया ल्हातय् नापनापं दलाल नेतात जुयाच्वंगु हुनिं जनतातय्त् प्यखेरं मारय् लाकाः सास्ना बियाच्वंगु दु । राजनीतिक नेतात मर्भीपिं जुल कि मुक्कं देसयात हे नकारात्मक लिच्वः जक लाकाच्वनीगु मखु, देसयात नं बर्बाद याइ । थौंकन्हय् भीगु देसय् नं थथे जुयाच्वंगु दु । नेतातय्यु राजनीति हे जातिभेद, छुवाछुट वर्णभेदया दलदलय् तक्क्यनाच्वंगु दु । अफ थुलि जक मखु, जनतायात मूर्ख याय्गु नितिं धार्मिक नामं अन्धविश्वास ब्वलंकाः जनतायात फोहर कुसंस्कृति हनेत हःपाः बियाः जनताया आर्थिक अवस्था खराब याना वनेगु नं स्वयाच्वनी ।

अविकसित देस व विकसित देसया नेता व जनताया सोचया फरक थुकिं क्यनाच्वनी । विकसित देसया नेता व जनतां देसयात सही थासय् यंकेगुलिइ ध्यान बियाच्वनी । स्वयम् सरकारं हे उद्योग, बाणिज्य, व्यापारया नापनापं कृषिइ अफः ध्यान बियाच्वनी । सरकार हे न्ह्यज्यानाः जनतायात उत्पादनमूलक उद्योग, कृषि

व मेमेगु लागाय् लगानी याकेत यक्व सुविधा बीगु यानाच्वनी । अविकसित देसया नेतात खराब जुयाच्वनीगुलिं व नेतातसें जनतायात च्यः, भ्वातिं यानाः जनतायात दरिद्र दय्का बी । जनतायात विदेसय् च्यः ज्या याकाः रोयल्टी नयाच्वनी ।

लख । लानीं म्ह छम्ह लुं, हिरा, मोतिं जाःगु वसः फिनाच्वनी । रुसया जारशाही परिवारया फुक्क दुजःपिन्सं विलासी जीवन हनाच्वनी । देसया फुक्क जग्गा जारशाहीया परिवारया दुजःतसें कब्जा यानाच्वनी । चीनया सामन्ती शासकत नं लुंयागु लाकां



भीगु देसय् संघीय शासनया सुरु जुइधुंकल । तर सम्पतिया रजाई याइपिं जक अफ अफः जुयाच्वन । नेपाःया राजनीति केन्द्र व प्रदेशय् यानाः म्होतिं नं गुसःम्ह सांसदत दु । व फुक्कं सांसदतय्यु ज्या देसया सम्पतियात प्रत्यक्ष वा अप्रत्यक्षकथं लुटय् यानाः विलासी जीवन हनाच्वंगु खनेदु ।

विकसित देसया नेता बांलाःपिं जुयाच्वनीगुलिं जनताया धेबा पाय्छि थासय् लगानी यानाः देय् व जनताया कल्याण याइ । यूरोप, चीन धनी जुयाच्वंगु कारण नेतात भिर्पिं जुयाः खः । भीगु देस गरीब जक मखु, कंगाल जुया वनाच्वंगु हुनि नेतातय्यु सोच भ्रष्ट व दलाली जुयाः खः । दसूया नितिं चीनय् चाड काइ सेकया शासनया इलय् अनया जनता अति गरीब जुयाच्वंगु खः । अफ थुलि जक मखु, जनतायात अनेककथं कष्ट नं बियाच्वनी । जनताया स्थिति तसकं खराब जुया वनाच्वंगु हुनि नं चाड काइ सेक थः नं भ्रष्ट, शोषक वया नापनापं जापान व अमेरिकाया दलाल जुयाच्वंगुलिं खः ।

यूरोपय् नं सामान्ति जुजुतय्यु शासनया इलय् जनता नं अति गरीब जुजुं वनाच्वंगु खः । जब यूरोप व चीनय् सामान्ति शासकत पतन जुल, नेता नं भिर्पिं सत्ताय् वल, देसया अवस्था अति हे बांलाना वन । चीनय् माओत्से तुइ देसयात ठीक यात, देसयात पाय्छि दिशाय् यंकल । अमेरिकाय् अब्राहम लिंकनं देसयात पाय्छि लुंपुइ यंकेगु ज्या याःगु खः । तर छता खँ छु धाःसा देस गरीब जूसा थनया थनया नेता व उमिगु आसेपासेत व कर्मचारीत धाःसा अति हे धनि जुयाच्वंगु दु । पुलांगु राजनैतिक भासं धाय्गु खःसा जनता गरीब यानाः नेतात धनि जुइगु नीतियात सामन्ती शासक धाइ । सामन्ती शासक देस विकास याय्त माःगु धेबा थःगु छँजःया नितिं विलासी खर्च यानाः फूर्ति यानाच्वनीपिं खः ।

इतिहासं प्रष्ट यानाच्वंगु दु फ्रान्सया जुजु लुइ सोह्रौया लानी मेरी एन्टोनेटया सेवाया नितिं जक न्यासःम्ह नोकरचाकर लगय् जुयाच्वनी । जुजुया डाइनिड्या मूल्य जक व इलय् १५गू

न्त्याइगु धकाः इतिहासं प्रष्ट याः । खाली राजा महाराजा जक मखु, विश्वया तानशाह शासकतपाखें नं भ्रष्टाचार यानाः भोगविलास याना वंगु नं जनतां मस्यु मखु ।

नेपाःया राणा शासकतसें नं सच्चि व प्यदंतक अति हे शौखिन जीवन हनाः देसयात कंगाल याना थकल । बहुदल शासनया व्यवस्था वल नं पार्टीया नेतातसें नं यक्व भ्रष्टाचार व कमिशन नयाः पजेरो व ततःधंगु महलय् विराजमान जुयाच्वंगु दु । पुँजीवादी पार्टीया खँ ला त्वःते, जनपक्षीय कम्युनिष्ट धाइपिं नेतातसें तर्क अति हे भ्रष्टाचार व कमिशन नयाः जुजुतय्युं थें विलासी जीवन हनाच्वंगु खनाः जनता वाक्क दिक्क जुयाच्वंगु दु ।

भीगु देसय् संघीय शासनया सुरु जुइधुंकल । तर सम्पतिया रजाई याइपिं जक अफ अफः जुयाच्वन । नेपाःया राजनीति केन्द्र व प्रदेशय् यानाः म्होतिं नं गुसःम्ह सांसदत दु । व फुक्कं सांसदतय्यु ज्या देसया सम्पतियात प्रत्यक्ष वा अप्रत्यक्षकथं लुटय् यानाः विलासी जीवन हनाच्वंगु खनेदु । थ्व हे हुनिं देस भन्भन् कंगाल जुलसा नेतात धाःसा भन्भन् धनी जुजुं वनाच्वन ।

विज्ञतसें धाय्गु याः, सामन्ती वा तानाशाही नेता स्वयां भ्रष्ट अनैतिक नेतातपाखें होसियार जुइमाः । छायाःसा सामन्ती वा तानाशाहतसें खुल्लारुपं देस व जनतातय्त् बर्बाद यानाच्वनी, तर भ्रष्ट व अनैतिक नेतातसें जनतायात दंगु नारा अथवा शब्दजाल लायाः जनतातय्त् भ्रमय् तयाः देसया सम्पति लुटय् यानाच्वनी । थ्व धापू भीगु देसय् पाय्छि जुयाच्वंगु दु । थनया नेतातसें नं जनतायात आकर्षक नारा बियाः देय् व जनता बर्बाद यानाच्वंगु दु ।

सम्पादकीय



मेपिन्त लाय्बुइके बियाः लय्ताइपिं ला भी ?

ख्वनाय् विना उचित क्षतिपूर्ति, मुआब्जा स्थानीय किसानतय् खेतीयोग्य जग्गा कयाः फास्ट ट्राय्क दय्केगु ज्या न्त्याकेत स्वःबलय् उकिया विरुद्धया आन्दोलन न्त्यात । स्थानीय मन्तलिसें अभियन्तातय्सं थीथी कथं विरोध प्रदर्शन नं यात । व इवल्य् स्थानीय कलाकारतय्सं छपु म्ये दय्कल, 'स्वाय् हे फइमखु नेवाः, गबलेतक्क भी जाय् फइमखु ।' थ्व म्ये धाय्त् स्वःगु ला भी जाय् हे माल । भी मजाय्गु खःसा स्वाय् तकं फइमखु । भी कुचा कुचा दःगुया लबः कयाः गोरखा जुजुं भीत बुकल । हाकनं नं भी कुचा कुचा हे दलाच्वनेगु खःसा अफं राज्यं भीत दमन यानाः हे शासन यानाच्वनी । थ्व खँ मखु ला सुनां धाइमखु । सकसिनं खः खः हे धाइ । तर व्यवहारय् लागू जूगु दु ला ? भी जानाः न्त्याःवनागु दुला ? कि कुचा कुचा दलाः हे च्वनेगु व्यवहार जक क्यनाच्वना ? छक्कः बिचाः याय्ला ?

गुठी विधेयक विरुद्धया आन्दोलनय् भीसं जानाः क्यना । भी फिब्वय् गुकथं मुना व मुक्कं देय्या नितिं हे उदाहरण जुयाबिल । तर वंगु आइतबाः हाकनं छक्कः भीगु अधिकारया सः ल्हवनाः माइतीघरय् मुने धाःबलय् भीसं नेवाः शक्ति क्यनेफत ला ? नेवाः शक्ति क्यनेगु ला खँ त्वःते, नेवाः शत्रुता जक ब्वयाबिया कि छु धाय्माःगु अवस्था खनेदत थें च्वं ।

सम्पदा संरक्षण, विकास निर्माणलिसें थीथी आकर्षक ख्वाःपाः पुंकाः राज्यं नेवाःतय् छँवुं लाका कयाच्वंगु आःया खँ मखु । आः येँ महानगरपालिकां नं उकथं हे नेवाःतय् छँवुंइ हताः यानाच्वंगु दु । म्हिगःतक छुं खँ मद्दुगु थासय् थौं आकाभाकां डोजर वइ, आसे भचा ई ब्यु जक धाःसां उलि खँया नं सुनुवाइ जुइमखु । डोजरं नक्काः छँ पाताः दय्काबी । थुकिया लिपांगु पीडा शंखमूलय् साहेल सिंह महर्जनं फय्माल । शंखमूल काण्ड धुंकाः येँ महानगरपालिकाया ज्यादती विरुद्ध धासें नेवाःत हाकनं छक्कः मुनेगु, जाय्गु कुतः ला यात । तर थुलिया दथुइ, छुं म्हाइपूगु लू नं स्वय् हे माल ।

गुलिसिनं व्यक्तिवादी चरित्र हावी जूगु, पार्टीगत स्वार्थ हावी जूगु आदि आदि धकाः च्वयाः माघ १५ या माइतीघर भेलाया विरोध हे यात । भी नेवाःत थ्वथवय् मिलेमज्, भी थः थः ल्वानाच्वनागु धकाः हे सकसिगु न्ह्यःने ब्वयाबियागु जुल ला भीसं ? ल्वापु दुसा दाजुकिजा क्वथाय् च्वनाः ल्वाय्गु खः । व ल्वापु मेपिन्त क्यनेगु खःसा मेपिन्सं लाय्बुइगु नं अफः छु याइ ? मेपिन्त लाय्बुइकाः लय्ताइपिं जक खत ला भी ।

भिद्यः पूजा निरन्तर न्ह्याकेत अक्षय कोष दय्के हे माः

यलय् दैयदसं पोहेलागा द्वादशीकुन्ह जुयावःगु भिद्यः पूजा थुगुसी वडगु माघ १९ गते जुइत्यंगु दु । यलय् थीथी त्वालं पाः कयाः न्ह्याकीगु थुगु भिद्यः पूजाया पाः थुगुसी इखालखु तलाछें त्वाःयात लाःगु दु । थुगुसीया भिद्यः पूजा भःभः धाय्क, भव्य व सभ्य रुपं क्वचाय्केत तलाछें त्वाःबासी सकलें जानाः तयारी न्ह्याकाच्वंगु अवस्था दु । भिमसेन पूजा परिक्रमा समारोह समिति, इखालखु, तलाछें त्वाःपाखें तयारीया थीथी ज्या यानाच्वंगु दुसा कजिया भाला नेपालभाषा साहित्य छ्यलय् नांजाःम्ह साहित्यकार तलाछें त्वाःया सुधीर 'ख्वबि' श्रेष्ठ कयादीगु दु । भिद्यः पूजाया तयारी व पूजालिसे सम्बन्धित थीथी पक्षयात कयाः कजि भाजु श्रेष्ठलिसे जूगु खँहाबल्हाया सम्पादित अंशः

➔ दकले न्हापां थ्व भिद्यः पूजा धयागु छु खः, गुकथं न्ह्याना वयाच्वन धइगु जानकारी बियादीला ?

यल नगर क्षेत्रय् दैयदसं पोहेलागा द्वादशीया दिनय् थ्व भिद्यः पूजा न्याय्का वयाच्वंगु जुल । थनिं १० दै न्ह्यःनिसें धाःसा थ्व ज्याइवःयात व्यवस्थित याय्या लागिं थनया भिगू त्वाःपाखें थुगु पूजा चक्र प्रणाली कथं पालंपाः न्ह्याकावःगु दु । 'ललितपुरको विकासको लागि' धयागु छगू संस्थां पहल यानाः भिद्यः पूजा व्यवस्थापन मूल समारोह समिति धकाः गठन जुयाः थुकथं भिगू त्वालं पालंपाः न्ह्याकेगु जूवंगु खः । थौकन्हय् यल नगरया २२ भिद्यः कयाः पूजा याःवनेगु जुयाच्वंगु दु ।

➔ थुगु पूजा गुलि पुलांगु खः ? थुकिया इतिहास गथे दु ?

थ्व गबलेनिसें शुरु जुल धयागु सवाल्य् यकिन तिथिमिति हे ला आः धाय्मफुत तर, अभिलेख धाःसा दु । हौगःया भिद्यः दुगु चुकं दुर्गा ताम्रकार व प्रेमकृष्ण राजकर्णिकारया पहलय् थ्व भिद्यः पूजा न्ह्याःगु धइगु दु । उबले भिद्यः पूजा सुरु जुइधुंकाः सुरुइ सुरुइ ला तसकं बांलाक जुल भिद्यः पूजा धयागु एकदम हे तःधं जुयावनाः मनुतयसं समयद्वं हे ४०-५० पाथी तयगु, म्येय् छ्यं तयगु आदि यानाः तडक भडक अप्चयावन, आयश्रोत नं मडु, चन्दां दक्वं ज्या याय्माः । थथे जूबलय् लिपा वयाः पाः काइपिं मदयावल । व अवस्थाय् उबले तलाछें त्वाल्य् स्वदँया दौरानय् निक्वः पाः न्ह्याकूगु दु । थुकथं जुयाः करीब न्हानावनीगु अवस्थाय् थुकियात व्यवस्थित कथं न्ह्याकेगु धकाः समारोह समिति दय्काः हाकनं न्ह्याःगु खः ।

न्हापा न्हापा ३२ थाय्या द्यः कायगु जुयाच्वंगु खः । आः उकियात परिमार्जन यानाः थौकन्हय् २२ थाय्या द्यः कयाच्वंगु दु । अले स्थान गणेश, नासः द्यः दक्वं यानाः २६ भागाय व्यवस्थापन याय्माः ।

➔ थुगु भिद्यः पूजाय् गज्याःम्ह भिद्यः पूजा याइगु खः ? भिद्यःया स्वरुप बारे छुं विशेय दु ला कि ?

न्हाचः धयानि, थुकी छ्म जक भिद्यः पूजा याय्गु मखु, २२ थाय्या भिद्यः काःवनेमाः भीसं । अथे जूबलय् थ्व हे

भिद्यः वा थज्याःम्ह भिद्यः धकाः थथे धाय्मफु । हाकनं भिद्यःया सवाल्य् विवाद नं दु । गुलिसिनं थ्व महाभारतकालीन पंच पाण्डवया भिद्यः धाइ, गुलिसिनं थ्व भिद्यः विशुद्ध नेवाःतयसं जक पूजा याय्मह बिस्कं हे भिद्यः खः, भीमसेन मखु धाइ । अले बुद्धिष्टतयसं बज्रसत्वया छगू रुप कथं नं काइ ।



भीसं पूजा वनेथाय् गनं भिद्यःयाथाय् मिसा छ्म नं तयातःगु दु, वयात द्रोपदी धयाच्वन । गनं किचक वध तयातःगु थाय् नं दु, अथे हे छथाय् सहदेव नं दु, मूर्ति हे मदुगु थाय् नं दु । जिगु व्यक्तिगत बिचाः न्यनेगु खःसा महाभारतकालीन भिद्यः महाराज वा जुजु जूगु मदु । थन भीसं भीमसेन महाराज धयाच्वनागु दु । महाभारतय् उल्लेख जुयाच्वंगु गुलिखे थाय् नेपालयागु नं दु । अथेसां भीमसेनया प्रत्यक्ष स्वापू नेवाःतय् व्यापार व्यवसायलिसे छुं नं कथं खनेमदु । व कारणं भीसं पूजा यानाच्वनाम्ह भिद्यः महाभारतया भिद्यः माने याय्गु छुं आधार खनेमदु । तर थ्व सोधया हे विषय जुल ।

➔ कृष्णाष्टमीया कन्हय्कुन्ह जुइगु भिद्यः जात्रा व थ्व भिद्यः पूजाया नं छुं स्वापू दुलाकि ?

न्हापा थुगु भिद्यः पूजा नं भाद्र महिनाय् यानावःगु खः । भाद्र महिनाय् कृष्णाष्टमीया हे दिनय् भिद्यः पूजा यानावःगुलिइ निगु पूजा नापं लाःगु व भिद्यः पूजाय् मनुत यक्व दइगु, कृष्ण पूजाय् मनुत मदइगु जूबलय् ज्योतिष व विज्ञापिंलिसे सहलह यानाः पोहेलागा द्वादशीकुन्ह सारे याःगु खः । अथे धाय्वं भाद्र महिनाया भिद्यः जात्रा व थ्व भिद्यः पूजाय् खास छुं स्वापू धाःसा खनेमदु । भाद्रय् भिद्यःयात खतय् तयाः कुबियाः देय् चाःहुइकाः जात्रा याइगु जुल । थुकी भीसं थीथी थाय्या भिद्यः कयाः पूजा याःवनेगु जुल । जात्रा व पूजा पाःगु हे जुल ।

➔ थुगु भिद्यः पूजाय् सुनां सुनां ब्वति काय्ज्यू अथवा गुलि मनुतय् सहभागीता दइ ?

थुकी न्ह्याम्हेसिनं नं ब्वति काय्ज्यू । पाः भीगु त्वाल्य् लाःगु ल्याखं व्यवस्थापन भीसं याय्गु जुल, पूजा भीसं न्ह्याकेगु जुल । वयां ल्यु श्रद्धा, आस्था दुपिं न्ह्याम्हं वय्ज्यू । सहभागीता संख्याया ल्याखं थुलि हे धकाः धाय्फइगु अवस्था ला मदु । तर थुगु पाल्य् भक्तजनतय् ल्याः भचा आपाः जुइला धइथें खनेदु । निदँ न्ह्यः मंगलबजार व थुगुने भिद्येबहालय् पाः लाःबलय् कोरोनाया कारणं भःभः

धाय्क न्याय्के मखन । व्यवस्थापन समितिया हे सीमित मनुत जक च्वनाः सिधय्केमाल । निदँ तक्क बांलाक न्याय्केमखंगु व थुगुसी खुल्ला परिवेशया कारण भक्तजनत यक्विसिनं ब्वति काइगु खनेदयाः व्यवस्थापनपाखे जिपिं अभ अक्वः लगे जुइमाःगु खनेदयाच्वंगु दु ।



➔ थुगु पूजाया आर्थिक व्यवस्थापन गुकथं जुयाच्वन ले ?

थ्व पूजा भक्तजनतयगु हे ग्वहालिं न्ह्यानाच्वंगु दु । थुकी छुं कथं

आयस्ता वा आयश्रोत धइगु मदु । सरकारी ग्वहालिया खँ ल्हाय्बलय् थुगुनेतक्क यल महानगरपालिकां सम्पदा शिर्षकय् लाकाः ५० द्वः दां बीगु यानाच्वंगु खः । आः भीसं ५० द्वः दामं मगात, कमसे कम एक लाख वा दुई लाख बीमाः धकाः भीसं माग यानाच्वनागु दु तर, माग प्रक्यागत ढङ्गं न्ह्याःवंगु धाःसा मदुनि । नगरपालिका धुंकाः आर्थिक श्रोतया खँ ल्हाय्बलय् भिद्यः पूजा मूल समारोह समितिपाखें १२ द्वः तका बीगु यानाच्वंगु दुसा उद्योग वाणिज्य संघपाखें स्वद्वः, प्यद्वः वइ । व बाहेकं मेगु आर्थिक पक्ष दक्वं त्वाःबासी अथवा पाःलाःगु त्वाःया समारोह समितिपाखें चन्दा आदि मुंकाः व्यवस्था याय्गु यानाच्वंगु दु । भिद्यः धकाः मनुतय् तसकं आस्था दुगु, श्रद्धा दुगुलिं यानाः चन्दा बीपिं वयाच्वंगु धाःसा दु । भीसं करीब १० लाख हाराहारीया बजेट अनुमान यानागु दु । उकी आःतक्क ४-५ लाख धइथें चन्दा वय्धुंकल, चन्दा वय्गु क्रम अभं न्ह्यानाच्वंगु दिन । ग्वहालि याइपिं निरन्तर वयाच्वंगुलिं १० लाखया

आज्जु थ्यनीगु विश्वास याय्फइ ।
➔ थुकथं दैयदसं चन्दा न्ह्याच्वनेम्वाय्क भिद्यः पूजाया लागिं कोष दय्केमजीला ?

मज्यूगु ला मखु । तर अलग अलग त्वालं पाः कयाः न्ह्याकावःगु जूबलय् आःतक्क थुखेपाखे बिचाः मयाःनिगु धाय्माली । व्यवस्थापन पक्ष छगू पुचलय् केन्द्रीत मजुसे अलग अलग त्वाल्य् विकेन्द्रीत जुयाच्वन । अथे जूगुलिं आःतक्क कोष दय्केगु ज्या धाःसा मजुनि ।

थुगुसी वडा ज्याकूपाखें २ लाख व उपमेयरपाखें २ लाख ग्वहालि जुइत्यंगु दु । थ्वयां न्ह्यःया सालय् मेयर चिरीबाबु महर्जनं भिद्यः पूजाया लागिं १ करोडया अक्षय कोष दय्केगु बिचाः दु धकाः घोषणा यानादीगु खः । व खँ नं गन थ्यनाच्वन धइगु मस्युनि । थ्व पक्षयात नं न्ह्याका यंकाः कोष दय्के ला फइ । थुकियात निरन्तर दीगो रुपं न्ह्याकावनेगु खःसा अक्षय कोष बाहेक मेगु उपाय नं खनेमदु । कोष दय्केगु निर्तिं सहलह नं जुयाच्वंगु दु । याकनं हे अक्षय कोष खडा जुइगु सम्भावना दु ।

जन्म
वि.सं. २००३।०३।०६

स्वर्गारोहण
वि.सं. २०७९।१०।०५

स्व. जमुना श्रेष्ठ

भावपूर्ण श्रद्धाञ्जली

यस पहिको युवा क्लवका पूर्व कार्यसमिति सदस्य श्री विकास श्रेष्ठ र वर्तमान कार्यसमितिका सदस्य श्री रोशन श्रेष्ठकी ममतामयी माता **जमुना श्रेष्ठ** मिति २०७५ साल माघ ०५ गते विहीबार स्वर्गारोहण हुनुभएको आज १३औं दिनको पुण्य तिथिको अवसरमा उहाँको दिवंगत आत्माको चिरशान्तिको कामना गर्दै **भावपूर्ण श्रद्धाञ्जली** अर्पण गर्दछौं । साथै यस दुःखद घडीमा **शोकसन्तप्त परिवारजनप्रति हार्दिक समवेदना प्रकट गर्दछौं ।**

पहिको युवा क्लव परिवार
का.म.पा.-१६, पहिक्वः, काठमाडौं



शिक्षालय नेपालपाखें नेवा: पत्रकार राष्ट्रिय दबूया न्हूगु ज्यासना पुचःयात हना



ख्याखं त्यलीगु खं



पन्नारत्न महर्जन



ख्याः धयातह ख्युंथासयु
जक चवनी हँ । थवात
काचाक सुनां नं खंके
फइमखु हँ । ख्याकं
त्यलीबलय नं धाथें
ख्याः हे वयाः त्यलीगु
नं मखु हँ । छुं नं किचः
छकूयात मन्तर यानाः
देनाच्चंहेसिया म्हाया
द्यःने तयाः थः अलगु
सुलाः स्वयाच्चनी हँ ।
अथे जुयाः भ्रुवःलाक
देनाच्चंसां मेपिसं ख्याकं
त्यका च्वंहेसिया
म्हयु ख्याः खनीमखु
खालि सनाच्चंगु व उँउँ
हालाच्चंगु जक खनी
हँ ।

भीगु समाजयु धार्मिक व सांस्कृतिक मान्यता कथं ख्याः धयातह लक्ष्मीद्यःया नापं जुइमह धयागु बिश्वास दु । थ्व न्ह्याबले धनप्वः पाछाया जुइ धयागु धायगु याः । अथे जुयाः लक्ष्मीद्यः पुज्याइबलय धनप्वः पाछायातःह ख्याः नापं दुगु लक्ष्मीद्यःया कपा तयाः पुज्यायगु याइ । अथे यायबलय धनया दुख जुइमखु धयागु बिश्वास याइ ।
थथे धनप्वः पाछायाः लक्ष्मीद्यःया नाप जुइमह ख्याकं नं त्यःवय्यः धयागु धारणा भीगु समाजयु दु । ख्याकं त्यलीगु धयागु न्ह्यःवयाच्चनीबलय अथेसं थथेसं मदयुक सनीगुयात धाइ । थज्याःबलय गुलिसिनं ल्हाः तुति चता चतावानाः म्हुतु वाकावाका संकी । गुलिसिनं ख्वाःगरखेसे च्वंकाः फुंफुं वःथें याइ । सः पिकाःसां खँवः छुतयु जुइमखु । उँउँ जक हाःगु थें जुइ । इवःलाक देनाच्चंसां सकसितं मजुसे न्ह्याबले छमहसित जक नं जुइयः । ख्याकं त्यकाच्चंहेसिनं धाःसा न्ह्यलं चाइबलय गुलिजक सःता सुनां हे हँ छसः हे मधाः धाइ । सःतुगु धाःसा सुनानं ताइमखु ।
ख्याः धयातह ख्युंथासयु जक च्वनी हँ । थवात काचाक सुनां नं खंके फइमखु हँ । ख्याकं त्यलीबलय नं धाथें ख्याः हे वयाः त्यलीगु नं मखु हँ । छुं नं किचः छकूयात मन्तर यानाः देनाच्चंहेसिया म्हाया द्यःने तयाः थः अलगु सुलाः स्वयाच्चनी हँ । अथे जुयाः भ्रुवःलाक देनाच्चंसां मेपिसं ख्याकं त्यका च्वंहेसिया म्हायु ख्याः खनीमखु खालि सनाच्चंगु व उँउँ हालाच्चंगु जक खनी हँ ।
ख्याकं त्यलीगु धयागु धाथें ख्याः हे वया त्यलीगु मखुगु जक मखु ख्याकं छुं नं किचःयात मन्तर यानाः म्हाया द्यःने तयाथकीगु नं

मखु । सुलाः स्वयाच्चनीगु नं मखु । धाथें धायमाल धाःसा ख्याः धयातह गथेच्चं व गज्याःथायु च्वनी धयागु तक यकीन यानाः धायफयाच्चंगु म्हु । भीसं कल्पना यानाः खंकाच्चनामह ख्याः पुंतसें च्वयाः क्यनातःगु कपाया आधारयात हे मानयु यानावयाच्चनागु सिबायु मेगु मखु ।
ख्याकं त्यलीगु धकाः बिश्वास यानावयाच्चनागु गुगु खः व छू भी भुल भुलैयायु जक लानाच्चंगु खः । ख्याकं वयाः सुयातं त्यः वइमखु । थथेच्चं अथेच्चं हे धायु फया मच्चंमह ख्याकं भीत गथेयानाः त्यःवइ ? मेगु कथं धायु खःसा भीत भिं याइमह, धन सम्पति बीमह लक्ष्मीद्यःया नाप जक न्ह्याबले च्वनीमह ख्याःकं भीत मभिं याइ धकाः गथे पत्याः यायगु ? अथे जुयाः थ्व छू भीगु कल्पना बाहेक नेगु छुं हे मखु धकाः स्पस्त जू ।
ख्याकं त्यलीगु धयागु छू लव्यु खः । थ्व लव्यु सकसिके दइ हे धयागु जुइमखु । अथे जुयाः इवःलाक देनाच्चंसां न्ह्याबले छमहसित जक त्यःथें जुइगु खः । इवःलाक देनाच्चंसां मध्यु छमह सिबयु अप्वःसिके थज्याःगु लव्यु दुगु लाइबलयु ख्याकं त्यलीगु नं छमह सिबयु अप्वःसित जुइयः ।
ख्याकं त्यलीगु लव्यु अप्वः यानाः उमेर जायाः छँया अभिभारा कुबी धुकूपिन्त जुइयः । थज्याःपिन्त नं ज्यां धपित जुयाः नं ज्याया प्रतिफल चितयु हंक कायु खनीबलयु पिज्वयुगु याः । न्हापा न्हापा बुँज्यामितयु बुँया सामा दुकयाः भकारि धंके धुंकाः अप्वः यानाः ख्याकं त्यः वयु यः धाइ । थज्याःगुयात लक्ष्मीद्यः दुहाँ वःगु संकेतया रुपयु कायुगु यानाः मन तयुगु याइ । अथे खःसां ख्याकं त्यलीगु छकःबकः जक मजुसे लगातार जुल धायुव जाँचयु यानाः वासः यायुमाः ।

चिनाखँ

ब्यथा असह्य



अञ्जना ताम्राकार

मच्चं गनं न्ह्यइपुस्य मधु थायु छ हुलमूलयु नं भिर्भामभं दं थें च्वं सुचुकी थें छयं काउलिं थःदुने थःत तया सुचका नुगःया धुकुतिइ जिं छन्त

वंसां ल्वमकाः त्वःताः कुलांपारि छ मत्वःतू छंगु लुमन्ति जलं खवयुगु गबसं ब्यागलं च्वनेमाःगु नुगः धाः छुस्यु छं फसयु बसन्तया स्पशयु न हिइस्य च्वं

कुलि चिनागु सदां यात छनापं खिपः मतिनाया चिना गथः गथः गथे यानाः फै जिं फ्यने व मतिना गथः स्यनाब्यु वारे छं गथः फ्यने गुकथं छकः

वइगु म्हागस नं ब्वना पासा छन्त तेल कासा व सुला कासा म्हितेत वनी सुलेत मिखायु चिका पति छं न्ह्याक्व स्वःसां मालाः मफु लुइके गनं

न फ्यने फु व पति, न थी हें फु छन्त मातु माला च्वना लकस छचालं थ्वयुक् ब्रम्हाण्ड हे सःतुसां मताः छं आः बुल आयु दुम जुयाःपिया च्वच्चं

मिहचा नुगःया लुमन्तिं भयुभयु बिल चिर चिर बाल नुगः ख्वबि पिज्वल यायु फु सह बरू कुँ मियागु प्रहार ब्यथा असह्य च्वनेगु तापाना छ नाप ।



स्व. रमेश ताम्राकारया न्यादँया पुण्यतिथिइ थ्वहे वंगु माघ १५ गते अष्टमि आइतवाः कुन्हू लाःवःगु दु । वयुक्ःयागु लुमन्तिइ कवियत्री अञ्जना ताम्राकारं च्वयादीगु चिनाखँ थन न्ह्यब्वयागु जुल ।

Sweet Cave

(जीवन दाईया पसः)
Kalimati, Kathmandu, Nepal
Tel: 4275511, 9741112777, 9851063000

यहाँ भोज तथा पार्टीहरूको लागि चाहिने स्पेशल दही, पनिर, लाखामरी, लालमोहन, बर्फी, रसबरी तथा अरु विभिन्न परिकारका मिठाईका लागि सम्पर्क राख्नुहोस् ।
आउटडोर भेज क्याटोरिङ पनि गरिन्छ ।

आयो नून खाउँ स्वस्थ रहौ

आयो नून खाउँ स्वस्थ रहौ

आयो नून खाउँ स्वस्थ रहौ

आयो नून खाउँ स्वस्थ रहौ

आयो नून खाउँ स्वस्थ रहौ

वाग्मती प्रदेशया सांसदतयूत हन



नेवाः देयू दबू स्वनिगः विशेष प्रदेशं स्वनिगलं वाग्मती प्रदेशयू प्रतिनिधित्व याइपिं सांसदतयूत हंगु दु। स्वनिगलं प्रतिनिधित्व याइपिं वाग्मती प्रदेशया प्रत्यक्ष व समानुपातिक याना मुक्कं ५३ म्ह सांसद दुगुलिइ ज्याइवल्यु उपस्थित २८ सांसदतयूत देयू दबुलिं हंगु खः। मिजं सांसदतयूत नेवाः परम्परा कथं ख्यैयू सर्गलिसें धौ सर्गं बीगुया नापं बेतालिं चिनाः हंगु खःसा मिसा

सांसदतयूत ख्यैयू सर्गलिसें धौ सर्गं बीगुया नापं दोसल्लां न्ययूकाः हंगु खः। ज्याइवल्यु देयू दबू स्वनिगः विशेष प्रदेशपाखें सांसदतयूत भिंतुनालिसें ध्यानाकर्षण पौ नं लःल्हाःगु खः। भाषा आयोगं वाग्मती प्रदेशयू नेपालभाषायात नं सरकारी कामकाजी भाषाया रूपयू सिफारिस याःगुलिसें उकिया नितिं स्वनिगः विशेष प्रदेशं याःगु गतिविधि, चुनाव न्ह्यः राजनीतिक

दलतयूत ब्यूगु नेवाः मंकाः मुद्दा लगायतया भर्त दुथ्याकाः सकलसित लःल्हाःगु खः। ज्याइवल्यु न्वंवायूगु इवल्यु वाग्मती प्रदेशया उपसभामुख अप्परा चापागाई खत्री, राजेन्द्र प्रजापति, एमालेया जयराम थापा, माओवादी केन्द्रया देवेन्द्र श्रेष्ठ, काँग्रेसया हरिप्रभा खड्गी, हाम्रो नेपाली पार्टीया शैलेन्द्रमान बज्राचार्यलिसें नं नेवाः मंकाः मुद्दायात नितिं माःगु कथं पलाः ल्हवनेगु बचं बियादीगु खः। ज्याइवल्यु देयू दबू स्वनिगः विशेष प्रदेशया नायः श्रीकृष्ण महर्जन, देयू दबूया केन्द्रीय नायः पवित्र बज्राचार्य, स्वनिगः विशेष प्रदेशया मुख्य सचिव गणेशमान श्रेष्ठ, स्वनिगः विशेष प्रदेशया मिसा न्वकू प्रा. डा. अमिता प्रधान, देयू दबू येँ जिल्लाया नायः धनबहादुर महर्जन तिमिला, ख्वप जिल्लाया नायः नरेश नेवाः व यल जिल्लाया बरिष्ठ न्वकू कृष्णभक्त डंगोललिसें नं न्ववानादीगु खः।

पद्मरत्न लुमन्ति गुथिइ डा. शाक्य

पद्मरत्न लुमन्ति गुथिया न्हापांगु तःमुँज्या क्वचाःगु दु। तःमुँज्यायू गुथिया छ्याञ्जे नरेशवीर शाक्य संस्थाया प्रगति विवरण व दांभरिं सुरेश प्रधानं आर्थिक विवरण न्ह्यब्वयादीगु खः। तःमुँज्याया इवल्यु नेपाःया ट्यूपाः व पद्मरत्न अभियानं विषययू सहलह मुँज्या नं याःगु खः। सहलह मुँज्यायू वरिष्ठ साहित्यकार तिलकप्रकाश कायस्थ, नेवाः न्ह्यलुवा नरेन्द्रभक्त हाडा, त्रिरत्न शाक्य, गुथिया नायः डा. केशवमान शाक्य, नेवाः न्ह्यलुवा तुलाधरया म्हायायू सुमिमा तुलाधर लगायतं म्दुम्ह पद्मरत्न तुलाधरं



मानवअधिकारलिसें भाषिक, सांस्कृतिक आन्दोलनया ख्यल्यु बियादीगु योगदान व वयूकःया व्यक्तित्वयात कयाः चर्चा यानादीगु खः।

तःमुँज्यां गुथिया न्ह्यूगु ज्यासना पुचः नं ल्यःगु खः। तःमुँज्यां न्ह्यूगु ज्यासना पुचः कथं पुलांगु हे ज्यासना पुचःयात निरन्तरता ब्यूगु दु।

श्रीपञ्चमी शास्त्रीय संगीत नखः



यल महानगरपालिका वडा १६ कलाकार समितिं लोक, शास्त्रीय संगीतयू समर्पितपिं कलाकारपिनिगु सृजना न्ह्यब्वयाः श्रीपञ्चमी शास्त्रीय संगीत नखः हंगु दु। श्रीपञ्चमीया लसतायू यल लायूकूलिइ जूगु ज्याइवः कलाकार

विशाखा शाक्यया महामञ्जुश्री चर्चा नृत्यालिसें न्ह्याःगु खः। ज्याइवल्यु प्लेइड फर चेन्ज, प्रोजेक्ट बाजा, वाद्य शिरोमणी गणेशलाल श्रेष्ठया नामयू नीस्वनातःगु वाद्यशिरोमणी संगीत घरानालिसें पुचः व थीथी कलाकारपिन्सं नृत्य, वाद्यवादन

न्ह्यब्वयूगुलिसें म्ये नं हाःगु खः। उगु हे ज्याइवल्यु नेवाः पत्रकार राष्ट्रिय दबू केन्द्रीय समितिा व नेवाः देयू दबू यल कचाया न्ह्यूगु ज्यासना पुचःयात भिंतुना पौ नं देखाःगु खः।

ज्याइवल्यु न्ववासें यल महानगर १६ वडाया अध्यक्ष निर्मलरत्न शाक्य सांस्कृतिक, सांगीतिक ख्यल्यु थीथी ज्या यायूगु इवल्यु शास्त्रीय संगीतया ज्याइवः छगू न्ह्यूगु आयाम जूगु बिचाः तयादिल। यल महानगरपालिकाया मेयर चिरिबाबु महर्जनं अमूर्त सम्पदा संरक्षणयू ललितपुर महानगरपालिका १६ वडां नेतृत्वदायी भूमिका म्हितूगु धासें महानगरपालिकां शुगु ख्यल्यु अफ् धिसिलाकक पलाः छीगु धयादिल।

आनन्दकुटीइ महापरित्राण

स्वयम्भूया आनन्दकुटी विहारयू भिक्षु महासंघलिसें थीथी विहारया भिक्षु गणपाखें महापरित्राण पाठ जुल। शील प्रदानलिसें पुजा यानाबिज्यासें भिक्षु कोण्डन्यं महापरित्राणया विषय नापं थीया सामाजिक परिस्थितियात कयाः धर्मदेशना नं बियाबिज्याःगु खः।

उगु इलयू भिक्षु धम्मशोभन महास्थवीर, भिक्षु कोण्डन्य महास्थवीर, भिक्षु शीलभद्र महास्थवीर, भिक्षु सद्धातिस्स महास्थवीर, भिक्षु कोलित महास्थवीर, भिक्षु राहुल, भिक्षु उपतिस्स, भिक्षु सुद्धिको, भिक्षु चन्द्र गुप्त, भिक्षु सुख, भिक्षु शान्त सिद्धार्थ, भिक्षु नागित, भिक्षु लक्खण, भिक्षु विमल रत्न,

भिक्षु नारद व भिक्षु पियरतनं लगायतं महापरित्राण पाठ यानाबिज्याःगु खः। आनन्दकुटी विहारया भिक्षु धम्ममूर्ति महास्थवीरं सहजीकरण यानाबिज्याःगु ज्याइवल्यु भिक्षु गणयात अष्टपरिष्कार व अनागारिका गुरुमार्पितं दान यानाः पुण्यानुमोदन यासें ज्याइवः क्वचायूकूगु खः।

पत्रकार बज्राचार्ययात मातशोक

कान्तिपुर न्हिपौया सह सम्पादक हिमेश बज्राचार्ययात मातशोकं कःगु दु।

सह सम्पादक बज्राचार्यया मां रत्नतारा बज्राचार्य शनिबाः सुथयू आकाशका मन्त।

७८ दैं दुम्ह मयूजु बज्राचार्य थःगु हे छै बालकोटयू घनाच्चंगु अवस्थायू म्दुगु खः। म्दुम्ह रत्नतारा बज्राचार्यया म्हायायू निम्ह व कायू



मेयरया ...

माइतीघरया विरोध प्रदर्शन ज्याइवः उपत्यकाव्यापी सडक विस्तार पिडित संघर्ष समितिा आह्वानयू जूगु खःया थुकिया संयोजन समितिा कजि सुमन सायूमि यानादीगु खः। वयूकः व हे सुमन सायूमि खः, सु म्हिगः स्थानीय तह निर्वाचनयू येँ महानगरपालिकायू बालेन्द्र साह निर्वाचित जुइधुंकाः विजय जुलुसयू साहलिसे हे दनादीगु खः। म्हिगः स्वतन्त्र मनु त्याःबलयू थः हे त्याःगु थें ताःगु व येँया सम्पदाया संरक्षणलिसें नीजि सम्पत्तिया अधिकारया सम्मान याइगु ताःगु खःसां आः मेयर बालेन साहया ज्यादती अप्पयावःबलयू डोजर आतंक विरुद्ध दनेत थः बाध्य जूगु धयादिल। थः व्यक्तिगत रुपं बालेनया विरोध मखसें, निरंकुश प्रवृत्तिया विरोधयू दनागु धासें सायूमिं धयादिल 'संविधानं सुनिश्चित याःगु गाँस, बास, कपासया अधिकार बालेन शाहं लाकाकयाच्चंगु दु। तानाशाही तरीकां विना सूचना, जानकारी नीजि सम्पत्तिइ डोजर न्ह्याकाः संविधान व कानुनं ब्यूगु अधिकार तर्क हनन यायूगु ज्या जुल।' सायूमिं थप धयादिल 'बालेन संविधान स्वयां च्वयू ला मखुनि, थ्व ला निरंकुश जक मखु, महानिरंकुश प्रवृत्ती जुल, थज्याःगु प्रवृत्तिया विरुद्ध जि दनागु खः।' लौरो अभियानया संयोजक नं जुयाः हाकनं बालेनया विरोध नं यानाः दोहोरो भूमिका म्हितल धइगु आरोप नं थौंकन्हयू सायूमियात वयाच्चंगु दु। थ्व आरोपया खण्डन यासें थम्हं आम निर्वाचनयू लौरो चुनाव चिं जक कयागु व आःतकक पार्टी प्रवेश मयानानिगु धयादिल। लिसें थः म्हिगः नं गैर न्यायिक सडक विस्तारया विरोधयू दनाच्चनाम्ह व थौं नं व हे लाइनयू दनाच्चनागु दावी सायूमिं यानादिल। 'गन गलत ज्याखें जुइ, उकिया विरोध याइ। लौरो, बालेन वा सुं नं व्यक्ति विशेषया कारणं गलतयात सहि धायूफइमखु। जिं ला म्हिगः छु यानाच्चना, थौं नं व हे यानाच्चनागु दु। बरु बालेनं थःगु प्रतिवद्धता स्वयां पिहांवनाः थःगु लाइन हिलावन। वयूकःयात सहि ट्यायूकयू लिहांवयूत इनाप यानाच्चना' सायूमिया धापू खः।

मेयर बालेनया विरोध लिसें वयूकःयात न्ह्यसःत यकव दनाच्चंगु दु। तर बालेनं थः मतदातायात

लिसः बी आवश्यक तायूकूगु खनेमदु। वयूकः व वयूकःया थीथी निर्णय, पलाःया गुलि नं विरोध जुल, गुलि नं न्ह्यसः दन, उकिया लिसः बीगु बालेनया कर्तव्य हे खः। जनप्रतिनिधिं जनतायात लिसः बी आवश्यक मतायूकूसा व पक्का नं तानाशाही प्रवृत्ती हे जुइ।

छत्रपाटी ...

डेगु, कोरोना महामारीया अवस्थायू अस्पतालं स्थानीय जनतायात ब्यूगु स्वास्थ्य सेवा लुमकाः उकिया प्रशासा यानादिल। अस्पतालया अध्यक्ष डा. मनोज मान श्रेष्ठ थःगु प्यदैया कार्यकालयू अस्पतालयू तःगू हे लुमकेबहःगु ज्यात जूगु धयादिल। अस्पतालयात विस्तार यायूगु इवल्यु आः माऊ बढी भवन तयार जुयाच्चंगु व बीर गणेशमान सिंहया नामयू मेगु भवन दयूकेगु प्रस्ताव न्ह्यने हयागु जानकारी अध्यक्ष डा. श्रेष्ठं बियादिल। माऊ बढी भवन दयूकेगु नितिं येँ महानगरपालिकाया तत्कालीन मेयर बिद्यासुन्दर शाक्यया नेतृत्वया कार्यपालिकां ५ करोड ५० लाख बजेट बिनियोजन यानाब्यूगु खः। अस्पतालं थौंकन्हयू निगू अत्याधुनिक भवनं स्वास्थ्य सेवा बियाच्चंगु दुसा अत्याधुनिक माऊ बढी भवन निर्माण जुयाच्चंगु दु।

ज्याइवल्यु छत्रपाटी निःशुल्क चिकित्सालयया २१ म्ह संस्थापकापिं बढीमान माली, हर्ष बहादुर माली, महाबिर माली, बढीमान मानन्धर, हर्ष नारायण महर्जन, तुलसी नारायण मानन्धर, रामहरि कृष्ण मानन्धर, हेमदेव मानन्धर, शम्भुलाल मानन्धर, सुरेन्द्र बहादुर पाँडे, इन्द्रमान मानन्धर, मुकुन्दराज जोशी, मोतिमान श्रेष्ठ, नाती पोडे, हरिहरराज लोहनी, मान बहादुर श्रेष्ठ, बहादुर कृष्ण मानन्धर, सिद्धिलाल श्रेष्ठ, गणेश प्रसाद रेग्मी व बढी नारायण मानन्धरया किपायू स्वां नं देखाःगु खः।

छत्रपाटी निःशुल्क चिकित्सालय २०१३ साल माघ २३ गते भित्तका ध्यबां सुरु जूगु नेपाःया न्हापांगु सामुदायिक स्वास्थ्य संस्था खः। तत्कालिन सञ्चार, यातायातमन्त्री गणेश मान सिंहं २०१६ साल माघ २३ गते श्रीपञ्चमीया दिनयू चिकित्सालय भवनया सिलान्यास यानादिसें औपचारिक रुपं उलेज्या यानादीगु खः।

भित्तुना लिसैं बधाई



ललितपुर सुनचाँदी व्यवसायी संघया २०७९ माघ १४ गते शनिवाः क्वचाःगु भिक्वःगु वार्षिक साधारणसभा व प्यक्वःगु अधिवेशनपाखें नायलय निर्वाचित जुयादीम्ह **भाजू सुबिन बज्राचार्य** लिसैं सकल ज्यासना पुचःयात संस्थागत उद्देश्य पूर्वकेगु ज्याय् छधीछप्पैं जुयाः कार्यकाल सुथालाक्क पूर्वके फयेमा धकाः भित्तुना लिसैं बधाई देछानाच्चना ।



किरणभाइ बज्राचार्य,
अध्यक्ष

ज्वेल्स बचत तथा ऋण सहकारी संस्था लि.

मछिन्द्रमार्ग, तःबहाल, ललितपुर



नेवाः देय् दबू यल जिल्ला कचाया न्हापांगु तःमुँज्याया इवलय् दबूया केन्द्रीय नायः पवित्र बज्राचार्यपाखें बौद्ध समाजसेवी मोतिलाल शिल्पकारयात हनापौ लःल्हासैं । ज्याइवः नेपालभाषा मंकाः खलः यलया नायः हिरालाल महर्जनया सभापतित्वय् जूगु खः ।

सार्वजनिक यातायातलाई व्यवस्थित गरौं ।

- सार्वजनिक यातायातका साधनमा यात्रा गर्दा सामाजिक मर्यादा र शिष्टाचारको पालना गरौं ।
- यात्रु, चालक र सहचालकले एक-आपसमा मर्यादित र शिष्ट व्यवहार गरौं ।
- सार्वजनिक यातायातका साधनमा हानी नोक्सानी नपुऱ्याऔं ।
- सवारी साधनमा भाडादर देखिने गरी टाँसी तोकिएको भाडादर मात्र लिने दिने गरौं ।
- सार्वजनिक यातायात सञ्चालनको समय तालिका सार्वजनिक गरी त्यसको पालना गरौं ।
- तोकिएको स्थानमा मात्र यात्रु उकाल्ने र ओराल्ने गरौं ।
- आरक्षित सिटमा सम्बन्धित यात्रुलाई नै प्राथमिकता दिऔं ।
- ट्राफिक नियमको पालना गरौं ।



नेपाल सरकार

विज्ञापन बोर्ड

भित्तुना लिसैं बधाई

थुगु बौद्ध युवा कमिटी, यलया पूर्वनायः

भाजू रविन्द्र शाक्य

२०७९ पुस ३० गते शनिवाः जगु नेवाः देय् दबू यल जिल्लया

न्हापांगु तःमुँज्यापाखें नायलय

व २०७९ माघ १४ गते शनिवाः जगु

ललितपुर सुनचाँदी व्यवसायी संघ

भिक्वःगु वार्षिक साधारणसभा व प्यक्वःगु अधिवेशनपाखें

ज्यासना पुचः दुजलय् निर्वाचित जुयादीगुलिं

संस्थागत उद्देश्य पूर्वकेगु ज्याय्

छिगु पलाः सदां धिसि लाना च्वेनेमा धकाः मन्तुसे

भित्तुना लिसैं बधाई देछानाच्चना ।



सतिश शाक्य
नायः

बौद्ध युवा कमिटी, यल



छत्रपाटी निःशुल्क चिकित्सालय (अस्पताल)

"सारीय श्रुतम स्वास्थ्य सेवा सकसियां नितिं, असहायया नितिं जक निःशुल्क"

उपलब्ध सेवा

- २४सै घण्टा सेवा**
- इमरजेन्सी
 - प्याथोलोजी
 - एक्स रे
 - ई.सी.जी
 - औषधि पसल
 - अन्तरंग सेवा

- शल्यक्रिया**
- मंत्रिबिन्
 - जनरल सर्जरी
 - नाक हास घाँटी सम्बन्धि
 - हाडगोनी तथा नासा सम्बन्धि
 - स्त्रिया चिरफार फिलाज क्लीको फयर सम्बन्धि

बहिरङ्ग सेवा

- मुटु रोग
- पेट रोग
- पुरोलीजी
- हृदी रोग
- बाल रोग
- क्यान्सर रोग
- बन्त रोग
- ज्विबा रोग
- जनरल मेडिसिन
- नखें तथा यौन रोग
- नाक कान घाँटी रोग
- जनरल हेल्थ चेक अग
- थाइरोइड
- मधुमेह

मेमेगु सेवा

- ड्युसिग
- ट्रेपटोस्कोपी
- कोल्पोस्कोपी
- फिजियोथेरापी
- प्रोन्सायड्यु कन्सुलर र टुको
- पुरोपेनी सरको दना प्रयोगशाला
- टि.एच.टि. इन्टर



**२४ घण्टा
इमरजेन्सी सेवा**

७०८ गंगालाल मार्ग, छत्रपाटी, काठमाडौं, फोन: ४२९६९३८, ४२५७९९९, ४२६६२२९,